

《清史列傳·文苑傳》識誤

陳鴻森*

摘 要

《清史列傳·文苑傳》四卷，蓋就有清國史館先後纂定之《文苑傳》稿集錄而成。其稿雜出眾手，各傳精粗不一，間有違誤。然其列傳頗多出於《清史稿·文苑傳》之外者，其記事亦遠較《清史稿》為詳，故學者考論清代藝文故實，仍多取資是書。今摘〈文苑傳〉杭世駿、王鳴韶、汪憲、吳騫、張雲璈、趙翼、法式善、黎簡、胡亦常、彭兆蓀等十家傳記，辨其違誤，亦古人「訂其偶失，成其百是」之義也。

關鍵詞：清史列傳、文苑傳、清代文學、傳記

* 中央研究院歷史語言研究所研究員，國立成功大學中文系合聘教授。

An Evidential Examination of Wenyan Zhuan in *Biographies of the Qing Dynasty*

Chen Hung-Sen
Research Fellow, Institute of History & Philology,
Academia Sinica

Abstract

Composed of 4 volumes, Wenyan Zhuan in *Biographies of the Qing Dynasty* (《清史列傳·文苑傳》) is redacted from *Wenyan Zhuan* (《文苑傳》), a collection of compilations of the Imperial Historiography of the Qing Dynasty. Being carried out by various authors, the Biographical entries in Wenyan Zhuan vary, accordingly, in quality from one another. Some of them contain evidential mistakes. Despite of this, Wenyan Zhuan is more considerably informative than the counter-descriptions in *the Draft History of the Qing Dynasty* (《清史稿》), and more modern scholars tend to align on it upon addressing on the literary history of Qing. The task of the present article is to critically verify evidential descriptions in the biographies of Hang Shijun, Wang Mingshao, Wang Xian, Wu Qian, Zhang Yunao, Zhao Yi, Fa Shishan, Li Jian, Hu Yichang and Peng Zhaosun. It is a task resembles the spirit that the ancients like to reveal in the saying: “to amend careless mistake of one, but to appreciate the accuracy of hundreds.”

Keywords: Biographies of the Qing Dynasty, Wenyan Zhuan, Literature in the Qing Dynasty, Biography

《清史列傳·文苑傳》識誤

陳鴻森

《清史列傳》八十卷，¹不載編纂者名氏，其書蓋據有清國史館館檔列傳稿編纂而成。其中〈文苑傳〉四卷（卷七十至七十三），爲《清史稿·文苑傳》之所本。後者由繆荃孫分纂，²繆氏於館檔原傳稿頗事刪削，各傳往往僅存形骸，頗失知人論世之旨，故學者考論有清一代文士學行故實，仍多取資於《清史列傳·文苑傳》。惟史臣傳稿雜出眾手，其中不無年月舛誤、紀事失於核實者。今就檢閱所及，條錄杭世駿、王鳴韶、汪憲、吳騫、張雲璈、趙翼、法式善、黎簡、胡亦常、彭兆蓀等十家傳記，辨證譌誤，以就正於大雅方家云。

杭世駿傳

杭世駿，字大宗，浙江仁和人。……雍正二年舉人。乾隆元年，召試博學鴻詞，授翰林院編修，校勘武英殿十三經、二十四史，纂修《三禮義疏》。……〔乾隆〕三十八年卒，年七十六。（頁 5864）

森按：此文校勘武英殿「二十四史」，《清儒學案》卷六十五〈堇浦學案〉作「二十二史」，³是也，蓋杭氏乾隆初校勘武英殿群經諸史，其時《舊五代史》湮薶未出，不得有二十四史之稱。

¹ 按《清史列傳》有 1928 年上海中華書局排印本及今人王鍾翰點校本（北京：中華書局，1987）二種。王書斷句頗多訛誤，今以其書易得，本文姑以此本爲據。

² 繆荃孫《雲自在龕隨筆》卷一云：「《清史》屬于予所擬者，〈明遺臣傳〉三人一卷，〈儒學傳〉上三十四人一卷，下六十三人三卷，〈文學傳〉九十二人五卷，〈孝友傳〉六十三人二卷，〈遺逸傳〉十七人一卷，〈土司傳〉一省一卷。」（北京：商務印書館，1958，頁 16）據此，則《清史稿·文苑傳》蓋由繆荃孫分纂。

³ 徐世昌纂，《清儒學案》，（1938，天津徐氏刊本），卷 65，頁 1。

杭世駿年壽，諸書所記不一，此傳云乾隆三十八年（1773）卒，年七十六，則生於康熙三十七年（1698），此一說也。應澧撰杭氏〈墓誌銘〉云：「以乾隆三十七年（1772）七月庚辰考終里舍，壽七十有八」，⁴則生康熙三十四年（1695），二說也。《清儒學案》本傳云乾隆三十七年卒，年七十六，⁵則生康熙三十六年（1697），三說也。姜亮夫《歷代人物年里碑傳綜表》作康熙三十五年（1696）生，乾隆三十八年卒，年七十八，四說也。⁶支偉成《清代樸學大師列傳》卷十五杭氏本傳，則言「卒年八十餘」，⁷此又一說。今考杭世駿《道古堂詩集》卷二十四〈十二月十九日東坡先生生辰，釋方珍合竹西群彥設祭寒香館，賦詩紀事〉，首聯云：「玉局仙人姓蘇氏，與我生年同丙子。」⁸則杭氏實生於康熙三十五年（1696）。至其卒年，應澧〈墓誌銘〉言卒於乾隆三十七年七月，從遊陳琬婷君云：「證以查禮《銅鼓書堂遺稿》編年詩卷十七〈哭杭大宗編修〉，及汪師韓《上湖紀歲詩續編》卷一〈輓堇浦先生〉，二者皆繫於乾隆三十七年，則堇浦卒於三十七年之說應可信。」⁹上距康熙三十五年生，享年七十七。杭氏生卒年壽當以此為定，前述諸家說並誤。

王鳴韶傳

王鳴韶，原名廷諤，字夔律，江蘇嘉定人。兄鳴盛，入〈儒林傳〉。……鳴韶濡染家學，善詩，工書畫，治古文以清簡為上。……鳴盛入翰林，鳴韶獨侍二親，顏其堂曰逸野，旁闢一室，懸簑笠以見志。……詩宗眉山、劍南，鳴盛選《江左十二子詩》，次鳴韶其中，論者不以為私。乾隆五十三年卒，年五十七。（頁 5883）

⁴ 應澧〈墓誌銘〉，杭世駿，《道古堂文集》（上海：上海古籍出版社，1995，《續修四庫全書》影印乾隆 41 年刻、光緒 14 年汪曾唯增修本），卷首，頁 3。

⁵ 《清儒學案》，卷 65，頁 1-2。

⁶ 姜亮夫，《歷代人物年里碑傳綜表》（北京：中華書局，1965），頁 580。

⁷ 支偉成，《清代樸學大師列傳》，（長沙：嶽麓書社，1998），頁 219。

⁸ 杭世駿，《道古堂詩集》（《續修四庫全書》影印乾隆 41 年刻、光緒 14 年汪曾唯增修本），卷 24，頁 5。

⁹ 陳琬婷，《杭世駿年譜》（高雄：國立中山大學中文研究所碩士論文，2007），頁 114。

森按：此傳謂鳴韶乾隆五十三年(1788)卒，年五十七，則生於雍正十年(1732)。錢大昕〈鶴谿子墓誌銘〉云：「生于雍正十年某月日，歿于乾隆五十三年某月日，春秋五十有七。」¹⁰蓋即此傳所本，姜亮夫《歷代人物年里碑傳綜表》、江慶柏《清代人物生卒年表》同。¹¹惟余閱湖南省圖書館藏鳴韶文集稿本《鶴谿文編》，卷首有錢大昕手書題記，云：「鶴谿之文，其妙處有三，曰不俗，曰不腐，曰有物，較之吾鄉四先生，殆有過之無不及也。當世無謝象三其人者，遂使謬述不得流播海內；然豐城劍氣自有不可掩抑者，顯晦有時，必不終沒沒已也。」末屬「庚戌正月錢大昕題，時鶴谿下世已三閱月，撫卷泫然」。¹²庚戌為乾隆五十五年，據此推之，則王鳴韶卒於五十四年十月甚明，此當時所記，最可憑信。錢大昕〈墓誌〉作「五十三年某月日」卒者，未明記其時月，殆〈墓誌〉為後來追記，致誤憶耳，史傳復沿其誤也。錢氏〈墓誌〉云「鶴谿子少于予四歲」，按錢大昕生於雍正六年，¹³則王氏雍正十年生，不誤，得年應為五十八。

汪憲傳

汪憲，字千波(陂)，浙江錢塘人。乾隆十年進士，官刑部主事，遷員外郎。……憲博雅好古，於經尤長於《易》，……著《易說存悔》二卷。性好蓄書，丹鉛多善本。……家有靜寄東軒，具花木水石之勝。朱文藻嘗介嚴可均見憲，憲即館之東軒，偕同志數人，日夕討論經史疑義；又悉發所藏祕籍，相與校讐。稍暇，則投壺賦詩為娛樂。嘗以徐鍇《說文繫傳》四十卷，世罕傳本，好事者祕相傳寫，魚魯滋多，

¹⁰ 錢大昕，《潛研堂文集》(上海：上海古籍出版社呂友仁點校本，1989)，頁 841-842。

¹¹ 姜亮夫，《歷代人物年里碑傳綜表》，頁 609；江慶柏，《清代人物生卒年表》(北京：人民文學出版社，2005)，頁 52。

¹² 王鳴韶，《鶴谿文編》，其書未刊，湖南省圖書館藏原稿本，卷首錢大昕題識。按此為錢大昕遺文，舊所未見，今具錄全文。此書借閱，承湖南省圖書館副研究館員趙小琴女史之助，書此誌謝。

¹³ 錢大昕編、錢慶曾續編，《竹汀居士年譜》(北京：北京圖書館出版社，2006，《乾嘉名儒年譜》冊 6 影印咸豐間刊本)，頁 1。

或至不可句讀。憲所得雖屬宋影鈔本，然已譌不勝乙，因參以今本《說文》，旁考所引諸書，證其同異，著《說文繫傳考異》四卷。（頁 5890）

森按：嚴可均年輩與汪憲不相及，此傳「朱文藻嘗介嚴可均見憲」云云，其事有誤。嚴可均乾隆二十七年（1762）生，道光二十三年（1843）卒；¹⁴據錢陳群〈刑部陝西司員外郎魚亭汪君傳略〉云：汪憲「卒以辛卯八月九日，年五十有一」，¹⁵則生於康熙六十年（1721），乾隆三十六年（1771）卒。然則汪憲卒時，嚴可均年方十齡耳，不得有汪憲館之東軒、日夕討論經史疑義之事。蓋嚴可均字鐵橋，乾隆間有兩嚴鐵橋，史臣誤混之耳。邵晉涵《南江詩鈔》卷二〈題汪龍莊（輝祖）看山圖，因有感亡友嚴鐵橋（誠）〉詩，首聯云：「今年十月鐵橋死，湖山慘澹彫顏色。」¹⁶即其人。檢《杭州府志》卷九十四〈嚴誠傳〉云：

嚴誠，字力闇，號鐵橋，仁和人。毛髻就學，手不釋卷，乾隆己巳（十四年）列府庠。六書、諧聲洞悉源流，篆楷則遠宗漢魏晉，藻繪則近法倪、黃。詠歌所出，一本性靈。……乙酉（按乾隆三十年）登鄉薦。歿年三十有六。兄果為編定遺集。¹⁷

嚴誠與朱文藻同鄉，與邵晉涵友善，長於音聲小學，則朱文藻介紹館於汪氏靜寄東軒者，當為嚴誠，非嚴可均也。

又按：陸心源《皕宋樓藏書志》卷十三著錄《說文繫傳考異》舊鈔稿本，錄有朱文藻、丁杰跋識。丁杰跋云：「初見此跋（按即朱文藻跋），心疑即朱君所撰書也。今詢朱君，果如余所料，抃喜者累日。輦下諸公傳抄者並署朱君名，不復知有嫁名汪主政事，乃據吳門副本耳。戊戌六月十八日。」¹⁸據此，則《繫傳考異》一書實朱文藻所撰，託名汪憲耳。

¹⁴ 按《清史列傳》卷 69〈嚴可均傳〉云：「道光二十三年（1843）卒，年八十二。」（頁 5585）

¹⁵ 錢陳群，《香樹齋文集續鈔》（北京：北京出版社，1997，《四庫未收書輯刊》影印乾隆原刻本），卷 4，頁 23-25。

¹⁶ 邵晉涵，《南江詩鈔》（《續修四庫全書》影印道光 12 年胡敬刻本），卷 2，頁 11。

¹⁷ 鄭澐修，邵晉涵纂，乾隆《杭州府志》（《續修四庫全書》影印乾隆 49 年刻本），卷 94，頁 35-36。

¹⁸ 陸心源，《皕宋樓藏書志》（《續修四庫全書》影印清刻潛園總集本），卷 13，頁 10-12。

吳騫傳

吳騫，字槎客，浙江海寧人。諸生。……篤嗜典籍，遇善本，傾囊購之，校勘精審，所得不下五萬卷，築拜經樓藏之。……少與陳鱣講訓詁之學，所為詩文，詞旨渾厚，氣韻蕭遠。晚益深造，不屑為流俗之作。……嘉慶十八年卒，年八十一。（頁 5891-5892）

森按：此傳言吳騫「少與陳鱣講訓詁之學」，其語未融。陳鱣嘉慶二十二年（1817）卒，年六十五，則生於乾隆十八年（1753）；¹⁹吳騫「嘉慶十八年卒，年八十一」，則生於雍正十一年（1733），長陳鱣二十歲。考陳鱣從吳騫遊，約在二十歲前後，²⁰其時吳氏年已四十，不得更云「少」矣。按吳騫序陳鱣《經籍跋文》，有言：「予與簡莊（陳鱣）孝廉，少日皆酷嗜書籍，購置不遺餘力。凡經史子集，得善本，輒互相傳觀，或手自校勘相質，蓋數十年如一日云。」²¹史臣蓋緣此文「少日」之語而誤，此序撰於嘉慶十八年十月，吳騫即於是年冬卒，其言「少日」者，猶云早歲也。史傳本之，逕書作「少與陳鱣」講學云云，則似陳鱣年輩長於吳騫矣。

張雲璈傳

張雲璈，字仲雅，浙江錢塘人。乾隆三十五年舉人，選湖南安福知縣，調湘潭。雲璈博學雄才，於書無所不窺，尤長於詩。……嘉慶九年卒，年八十三。（頁 5910）

森按：此傳載張氏卒年有誤。姚椿《晚學齋文集》卷八有〈湖南湘潭知縣張君墓誌銘〉，謂張雲璈「以嘉慶十二年謁選，授湖南安福知縣。蒞任載朞，調知湘潭。……

¹⁹ 按《清史列傳》卷 69〈陳鱣傳〉云：「〔嘉慶〕二十二年卒，年六十五」（頁 5557）；另參拙作〈陳鱣年譜〉，《中央研究院歷史語言研究所集刊》62 本 1 分（1993），頁 149-224。

²⁰ 吳、陳二人交往，今文獻可考者，始於乾隆 38 年，時陳鱣年二十一，見拙作〈陳鱣年譜〉，頁 154。

²¹ 陳鱣，《經籍跋文》，（北京：北京圖書館出版社，2002，《國家圖書館藏古籍題跋叢刊》影印道光 17 年海昌蔣光煦刻本），卷首，頁 1。

嘉慶丁丑、戊寅間，乃由楚南定計歸杭，年已七旬餘。」²²則張氏辭官歸杭在嘉慶二十二、二十三年間，此傳謂張雲璈「嘉慶九年卒」者，其誤顯然。據姚椿〈墓誌〉言「君卒於道光九年，年八十三」，史臣粗疏，誤書「道光」爲「嘉慶」耳。

又按：姚椿〈墓誌〉謂「《兩淮鹽法志》五十六卷，大半出君手」，²³則張氏嘗與修《兩淮鹽法志》，此傳闕載。

趙翼傳

趙翼，字耘松，江蘇陽湖人。……〔乾隆〕二十六年，以一甲三名進士，授翰林院編修。……二十七年，充順天鄉試主考官。……其詩與袁枚、蔣士銓齊名，枚稱其忽奇忽正，忽莊忽俳，稗史方言，皆可闌入；士銓則謂其奇恣雄麗，不可偏視，人以為知言。……〔嘉慶〕十九年卒，年八十六。（頁 5911-5914）

森按：此傳乾隆二十七年「充順天鄉試主考官」，此王鍾翰妄改也，王氏〈校勘記〉云：「『主』，原誤作『同』，今據《耆獻類徵》卷二一二葉九下改。」²⁴所改殊非。檢法式善《清祕述聞》卷七，乾隆二十七年壬午科順天鄉試，主考官爲吏部尚書梁詩正，副考官兵部侍郎觀保，²⁵孫星衍〈趙甌北府君墓誌銘〉云「壬午科分校順天鄉試」，²⁶則趙翼爲是科同考官無疑，蓋順天鄉試歷科主考率由二品以上要員充任，趙翼方以乾隆二十六年進士及第，不得翌年即充順天鄉試主考官，此科舉常識耳，王氏治清史名家，不知何以並此亦昧之？實則《耆獻類徵》卷二一二所錄，即孫星衍撰〈傳〉，其文固作「壬午科分校順天鄉試；乙酉科（乾隆三十年）

²² 姚椿，《晚學齋文集》（咸豐2年刊本），卷8，頁8-9。

²³ 同前註，頁8。

²⁴ 《清史列傳》，頁5980。

²⁵ 法式善，《清祕述聞》（北京：中華書局，1982），頁212。

²⁶ 趙翼，《甌北集》附錄二（上海：上海古籍出版社點校本，1997），頁1432。

爲順天武闈鄉試主考官」，²⁷王氏始則誤乙酉科武闈鄉試爲壬午鄉試，復據之妄改史文，直以不醉爲醉矣。

又，此傳言趙翼「十九年卒，年八十六」，然據孫星衍〈趙甌北府君墓誌銘〉云：「十九年四月十七日，以疾終于里第，春秋八十有八。」²⁸《甌北集》附闕名《甌北先生年譜》，載趙翼生於雍正五年(1727)十月二十三日，迄嘉慶十九年(1814)卒，享年八十八。²⁹然則此傳云卒年八十六者，誤也；《清史稿》卷四八五亦誤。³⁰

法式善傳

法式善，字開文，蒙古烏爾濟氏，隸內務府正黃旗。乾隆四十五年進士。……所撰《清祕述聞》、《槐廳載筆》，詳悉本朝故事，該博審諦。……又著有《存素堂詩集》三十八卷。〔嘉慶〕十八年卒，年六十二。（頁 5948）

森按：法式善，號時帆，又號梧門。此傳言梧門嘉慶十八年(1813)卒，年六十二，則生於乾隆十七年(1752)。今檢所著《梧門詩話》卷十，其一條云：「壬辰，余年二十歲，有句云：『何時春入門，瞥見花滿院。』其稿入《西華集》中。」³¹以乾隆三十七年壬辰(1772)年二十推之，則梧門應生於乾隆十八年(1753)，阮元撰《梧門先生年譜》同，³²下距嘉慶十八年卒，享年六十一。

²⁷ 李桓輯，《國朝耆獻類徵初編》（光緒間湘陰李氏刊本），卷 212，頁 9。

²⁸ 趙翼，《甌北集》，頁 1435。

²⁹ 同前註，頁 1389，又頁 1416。

³⁰ 《清史稿》（北京：中華書局點校本，1976-1977），頁 13391。

³¹ 法式善原著，張寅彭、強迪藝編校，《梧門詩話合校》（南京：鳳凰出版社，2005），頁 300。

³² 阮元，《梧門先生年譜》（《乾嘉名儒年譜》冊 10 影印嘉慶 21 年刊本），頁 1。

黎簡傳

黎簡，字簡民，廣東順德人。……其詩由山谷入杜，而取鍊於大謝，取勁於昌黎，取幽於長吉，取豔於玉溪，取僻於閩仙，取瘦於東野，錘鑿鍛鍊，自成一家。……為文雜《莊》、《騷》，不屑八家軌範。嘉慶四年卒，年五十二。（頁 5958）

森按：此傳言黎簡嘉慶四年（1799）卒，年五十二，則生於乾隆十三年（1748），其說未確。檢黎氏《五百四峰堂詩鈔》卷六丙申編年詩〈三十〉云：「年年未三十，三十忽然來。」³³以乾隆四十一年（1776）丙申年三十推之，則黎簡生於乾隆十二年（1747）。復據《詩鈔》卷十〈庚子生日〉云：「吾年三十四，半度客中春。」³⁴乾隆四十五年（1780）庚子年三十四，則生於乾隆十二年無疑。下距嘉慶四年卒，享年五十三。姜亮夫《歷代人物年里碑傳綜表》、江慶柏《清代人物生卒年表》並沿此傳之誤。³⁵

胡亦常傳

胡亦常，字同謙，亦順德人。……乾隆三十六年舉人。入都後，交錢大昕。既下第，南歸，與休寧戴震同舟，手錄震所著書，將刊之；致書大昕，欲壹志於經術。以多噉瓜果解渴，得胃寒疾，抵家病卒。……所為詩妙悟天成，能於南園諸子外，自成一家，著有《賜書樓詩集》。（頁 5959）

森按：錢大昕《潛研堂文集》卷四十六有〈孝廉胡君墓誌銘〉，云：「同謙生於乾隆癸亥某月日，以癸未三月二十四日卒，年止三十有一。」³⁶癸未為乾隆二十八年（1763），上距乾隆八年癸亥（1743）生，止二十一歲耳，錢文當有誤。檢段

³³ 黎簡，《五百四峰堂詩鈔》（《續修四庫全書》影印嘉慶元年刻本），卷 6，頁 1。

³⁴ 同前註，卷 10，頁 16。

³⁵ 姜亮夫，《歷代人物年里碑傳綜表》，頁 624；江慶柏，《清代人物生卒年表》，頁 824。

³⁶ 錢大昕，《潛研堂文集》，頁 818-819。

玉裁《戴東原先生年譜》，乾隆三十七年壬辰條云：「是年會試南歸，與順德胡亦常同舟月餘。亦常能好學得師者，益都李君文藻門下也。」³⁷則乾隆三十七年胡君尚存，錢氏〈墓誌〉作癸未卒者，誤也。蓋胡君三十六年舉鄉薦，翌年會試下第；戴震亦與試，被落，二人因同舟南還。然則胡君當卒於乾隆三十八年癸巳（1773），上距乾隆八年癸亥，正合三十一歲之數，錢氏誤書「癸巳」作「癸未」耳。³⁸而此傳言胡君下第南歸，「抵家病卒」，則似卒於三十七年，此史臣未細讀錢大昕〈墓誌〉因致誤也。按錢氏〈墓誌〉云：「其卒也，以歸舟盛暑中鈔書，多噉瓜果解渴，得胃寒疾，歸而益劇，竟至不起。」³⁹蓋言舟中多食瓜果，遂以此致疾，歸而加劇。據〈墓誌〉上文言：「舟中盡鈔東原所著書，攜歸將刊之東粵。抵家後，手書報予，欲壹其志於經術，予益聳然異之。無幾何，葯房以書報同謙死矣。」合兩文繹之，蓋胡君抵家後，胃疾加劇，然猶移書錢大昕，期以專意經術自勵；其疾纏綿，明年三月遂至不起。史傳「抵家病卒」之說，未得其實。

彭兆蓀傳

彭兆蓀，字湘涵，江蘇鎮洋人。貢生。道光元年，薦舉孝廉方正，未就，卒年五十四。……胡克家為江蘇布政使時，總督以國用不足，議加賦。兆蓀方在幕中，力贊克家白大吏寢其事。又與長洲顧廣圻同為克家校刊元本《通鑑》，尤工；槧《文選》，獨成《文選考異》十卷，鉤稽探索，頗具要領。（頁 6022）

森按：此傳以胡克家《文選考異》十卷為彭兆蓀代撰，個人獨成之，其說非是。胡氏《考異》以考校精當稱，為清代選學名著。《清史稿》卷四八一〈顧廣圻傳〉云：

³⁷ 段玉裁，《戴東原先生年譜》，《戴震集》附錄（上海：上海古籍出版社湯志鈞點校本，1980），頁 472。

³⁸ 《竹汀居士年譜》錢慶曾案語以〈孝廉胡君墓誌銘〉一文撰於乾隆 31 年（頁 19），亦誤。

³⁹ 錢大昕，《潛研堂文集》，頁 819。

廣圻天資過人，經史、訓詁、天算、輿地靡所不通，至於目錄之學，尤為專門，時人方之王仲寶、阮孝緒。兼工校讐，同時孫星衍、張敦仁、黃丕烈、胡克家延校宋本《說文》、《禮記》、《儀禮》、《國語》、《國策》、《文選》諸書，皆為之札記，考定文字，有益後學。⁴⁰

蓋顧氏校刊群籍，深以刻書徑改相傳舊文為忌，其有譌文誤字，必為校勘記條辨之，其名或曰考異，或稱札記，或稱考證，或名識誤，《思適齋集》所載諸書序文歷歷可徵也。《文選考異》其書蓋多出顧廣圻手筆，兆蓀文士，勘校精審，似非渠所擅長。《思適齋集》卷十有嘉慶十四年顧廣圻代胡克家所作《文選》兩序，〈重刻宋淳熙本文選序〉云：

往歲顧千里、彭甘亭見語以吳下有得尤槧者，因即屬兩君遞手影摹、校刊行世，踰年功成，雕造精緻，勘對嚴審，雖尤氏真本殆不是過焉。⁴¹

又〈文選考異序〉言：

余夙昔鑽研，近始有悟，參而會之，徵驗不爽。又訪於知交之通此學者，元和顧君廣圻、鎮洋彭君兆蓀，深相剖晰，僉謂無疑，遂乃條舉件係，編撰十卷，諸凡義例，反覆詳論，幾於二十萬言。⁴²

據此，則彭君佐其校讐，事或有之，必謂《考異》為彭兆蓀獨成之，殊未敢信。按嘉慶中顧廣圻與段玉裁論學制不合，兩家書札往復，竟成水火，⁴³其後更延及《文選考異》，段氏《經韻樓集》卷十二〈與陳仲魚書〉云：

仲魚足下：借閱《文選考異》，是非皆意必之誤，其謂尤延之所增改，尤多不確，今略為足下言之。〈文賦〉：「故蹉跎於短垣（原注：今各本作「韻」，尤延之作「垣」），放庸音以足曲。」李注：「《廣雅》曰：蹉跎，無常也

⁴⁰ 《清史稿》，卷 481，頁 13192。

⁴¹ 顧廣圻，《思適齋集》（《續修四庫全書》影印道光 29 年上海徐氏刊本），卷 10，頁 7。

⁴² 同前註，頁 8。

⁴³ 按此事因顧廣圻代張敦仁撰《禮記考異》，書中駁孫志祖《讀書脞錄》訂〈王制〉「虞庠在國之西郊」，改「西郊」作「四郊」之說為誤。段氏與顧君書，申孫而詘顧，謂作「四郊」者是（見段玉裁〈答顧千里書〉，《經韻樓集》，卷 11，上海：上海古籍出版社校點本，2008，頁 297-300）；顧君答書爭之，段玉裁復撰〈禮記四郊小學疏證〉極詬之，顧君作第二札辨之，兩家往復攻詰，遂成水火，別詳拙作〈陳鱣年譜〉嘉慶 12 年條（《中央研究院歷史語言研究所集刊》62 本 1 分，1993）。

云云。《國語》曰：『有短垣，君不踰。』」顧千里云：「袁本、茶陵本〔垣〕作『韻』」，不著校語。注中『國語曰』九字，二本亦無之，恐尤改未必是也。」愚按：延之即改字，亦當不過音同形異者耳，何敢突改正文「短韻」為「短垣」？雖妄，不至此。其不可信一也。……⁴⁴

以下段氏歷舉《考異》十數事，以斥顧廣圻之誤。段、顧兩家孰為是非，今姑不論，然即此可見當時學者固知《文選考異》多出顧廣圻手也。

引用書目

一、傳統文獻

清·王鳴韶，《鶴谿文編》，湖南省圖書館藏原稿本。

清·阮元，《梧門先生年譜》，北京：北京圖書館出版社，2006年，《乾嘉名儒年譜》冊10影印嘉慶21年刊本。

清·李桓輯，《國朝耆獻類徵初編》，光緒間湘陰李氏刊本。

清·杭世駿，《道古堂文集》，上海：上海古籍出版社，1995年，《續修四庫全書》影印乾隆41年刻、光緒14年汪曾唯增修本。

清·杭世駿，《道古堂詩集》，《續修四庫全書》影印乾隆41年刻、光緒14年汪曾唯增修本。

清·法式善原著，張寅彭、強迪藝編校，《梧門詩話合校》，南京：鳳凰出版社，2005年。

清·法式善，《清祕述聞》，北京：中華書局，1982年。

清·邵晉涵，《南江詩鈔》，《續修四庫全書》影印道光12年胡敬刻本。

清·段玉裁，《經韻樓集》，上海：上海古籍出版社校點本，2008年。

清·段玉裁，《戴東原先生年譜》，《戴震集》所收，上海：上海古籍出版社湯志鈞校點本，1980年。

⁴⁴ 段玉裁，《經韻樓集》，頁337。

- 清·姚椿，《晚學齋文集》，咸豐2年刊本。
- 清·陸心源，《皕宋樓藏書志》，《續修四庫全書》影印清刻潛園總集本。
- 清·陳鱣，《經籍跋文》，北京：北京圖書館出版社，2002年，《國家圖書館藏古籍題跋叢刊》影印道光17年海昌蔣光煦刻本。
- 清·趙爾巽等，《清史稿》，北京：中華書局點校本，1976-1977年。
- 清·趙翼，《甌北集》，上海：上海古籍出版社點校本，1997年。
- 清·鄭澐修，邵晉涵纂，乾隆《杭州府志》，《續修四庫全書》影印乾隆49年刻本。
- 清·黎簡，《五百四峰堂詩鈔》，《續修四庫全書》影印嘉慶元年刻本。
- 清·錢大昕，《潛研堂文集》，上海：上海古籍出版社呂友仁點校本，1989年。
- 清·錢大昕編、錢慶曾續編，《竹汀居士年譜》，《乾嘉名儒年譜》冊6影印咸豐間刊本。
- 清·錢陳群，《香樹齋文集續鈔》，北京：北京出版社，1997年，《四庫未收書輯刊》影印乾隆原刻本。
- 清·繆荃孫，《雲自在龕隨筆》，北京：商務印書館排印本，1958年。
- 清·顧廣圻，《思適齋集》，《續修四庫全書》影印道光29年上海徐氏刊本。
- 清·不著撰人，《清史列傳》，北京：中華書局點校本，1987年。
- 近代·支偉成，《清代樸學大師列傳》，長沙：嶽麓書社，1998年。
- 近代·徐世昌，《清儒學案》，天津徐氏刊本，1938年。

二、近人著作

- 江慶柏，《清代人物生卒年表》，北京：人民文學出版社，2005年。
- 姜亮夫，《歷代人物年里碑傳綜表》，北京：中華書局，1965年。
- 陳琬婷，《杭世駿年譜》，高雄：國立中山大學中文研究所碩士論文，2007年。
- 陳鴻森，〈陳鱣年譜〉，《中央研究院歷史語言研究所集刊》62本1分，1993年。